

UDRUŽENJE SPORTSKIH RIBOLOVACA „KRUŠNICA“



RIBOLOVNI REVIR „BUK“

RIBOLOVNO PODRUČJE BR. 5 BOSANSKA KRUPA

RIBOLOVNA ZONA 5.2 – UNA

BOSANSKA KRUPA 2010. godine

U skladu sa Odlukom Skupštine o osnivanju ribolovnog revira iz 2006. godine Upravni dobor donosi Odluku o definisanju revira pod nazivom:

RIBOLOVNI REVIR „BUK“

Član 1.

Definicija revira se sastoji iz sljedećeg:

- opis granica,
- režima ribolova,
- upravljanja,
- održavanja,
- čvanja i
- sankcije.

Član 2.

Ribolovni revir „Buk“ pokriva dužinu cca 2000 metara, od „Himinog buka“ do kraja „Refkine ade“, isti je obilježen tablama na početku i kraju.

Član 3.

Ribolovni revir počinje sa radom od 01. 03. i radi do 01. 01. naredne godine.

U ribolovnom reviru dozvoljen je ribolov od 05:00 – 00:00 h ljeti, i od 05:00 – 17:00 h zimi.

Član 4.

U reviru se lovi varaličarenjem – spinning i mahaćem – fly fishing tehnikom ribolova isključivo sa humanom udicom bez povratnog kuke.

Član 5.

Ribolov se odvija iz čamca – lađe i sa obale.

Član 6.

Sistem ribolova je uhvati i pusti („**catch and release**“).

Član 7.

U ribolovnom reviru dozvoljen je ribolov „bijeke ribe“ za članove USR „Krušnica“ kao i za ostale goste sa važećom dozvolom za istu vrstu ribolova po zakonu o slatkovodnom ribarstvu.

Član 8.

Ribolovac u reviru smije loviti bijelu ribu isključivo priborom namijenjenim toj vrsti ribolova uz upotrebu prirodnih mamaca neanimalnog porijekla (kruh, trava, žitarice ...).

Član 9.

Ribolov bijele ribe je dozvoljen u vremenu od 08:00 – 20:00 h ljeti i od 10:00 – 17:00 h zimi.

Član 10.

U slučaju vršenja ribolova od strane ribolovaca gostiju u reviru isti imaju prednost u odnosu na članove i goste u tom vremenskom periodu koji vrše ribolov bijele ribe.

Član 11.

Za lov mladice, pastrmke i lipljena obavezno koristiti podmetač, prihvatilac ribe (meredov, sak) kako bi se izbjegla oštećenja ulovljene ribe.

Svaka ulovljena ribe se mora u što kraćem roku vratiti neoštećena u vodu.

U slučaju velikog oštećenja ribe izazvanog nepažnjom ribolovca isti je dužan nadoknaditi štetu udruženju u skladu sa propisima.

Član 12.

Ribočuvar u slučaju nepoštivanja određenih pravila od strane ribolovaca istog će udaljiti sa vode, po potrebi napraviti službenu zabilješku koja će biti sankcionisana od strane UO i disciplinske komisije udruženja.

Član 13.

U ribolovnom reviru mogu loviti najmanje dva ribolovca gosta uz prisustvo ribolovnog vodiča.

Član 14.

Cijene ribolovnih dozvola su u skladu sa Odlukom i propisanim cijenama u Zakonu o slatkovodnom ribarstvu.

Svaki gost je dužan prije izlaska na vodu uzeti odgovarajuću ribolovnu dozvolu koju će izdavati ribočuvar ili u slučaju njegove odsutnosti upravnik revira.

Član 15.

Ribolovni vodiči mogu biti samo članovi USR „Krušnica“ a prednost se daje članovima koji poznaju jedan strani jezik.

Ribolovni vodič mora biti ozbiljan, diskretan, nenametljiv i primjeren ribolovac.

Ribolovni vodič može maksimalno voditi dva ribolovca gosta, nositi ribolovni pribor koji će koristiti samo u slučaju bolje prezentacije ribolova.

Član 16.

Za rad ribolovnog revira i poštivanja navedenih pravila je odgovoran upravnik revira, ribočuvar, ribočuvari volonteri i vodiči.

Član 17.

Upravnik ribolovnog revira radi kao volonter i podnosi izvještaj UO udruženja.

Član 18.

Organizaciju rada i održavanje revira u saradnji sa UO udruženja sprovodi upravnik revira.

Član 19.

Izmjene i dopune ove Odluke se rade istim postupkom kao kod donošenja.

Član 20.

Ova odluka o definisanju revira stupa na snagu pod dobijanju saglasnosti nadležnog Ministarstva.

Broj: 80/2010

Dana: 14.07.2010. godine

Predsjednik UO:

Badnjević Arif